

REVISTA GALLEGA QUE CIRCULA ENTRE TODA LA COLECTIVIDAD DE MONTEVIDEO

Redacción y Administración: Río Branco 1568. Montevideo.

## Os irmanciños

*Os irmanciños somos nós. Así nos chaman en moitos lados, e non sabedes que orgulloso me pon, a lediza con que recibo iste alcume. Iles chámanniolo por bulra, e se non decatan de que é gabanza. Eu acólloo con gabachería, porque penso que non hai na miña vida, nen na miña obra, cousa que me honre tanto coma é o feito de ser eu un dos irmanciños. A min abón dame con ser iso, pra pensar que xa fixen algo no mundo. Coma que todo o demais que fago é pra iso.*

*E non sei de ninguén tampouco, d'entre nós, a quen lle doa que lle chamen irmanciño. Non podía ser, porque pra cada un de nós, ise é o millor dos tidoos.*

*Iles din: "cousas dos irmanciños", sen saberen que elo lle dá prestíxio á obra, calquera que ela sexa, porque, ao ser dos irmanciños, xa s'indica que leva atrás un ideal, e o feito mais insinificante e menos brilloso, dinifícarse cando se fai por un ideal.*

*Eu quero ser un irmanciño, eu quero ser de cote un de vós, sen mais, e quero que m'o chamen*

*os outros con bulra e sorna-morna, ou con benevolenza proteitora, ainda mais aldraxante. O que m'o chame, hónrame, e agradecerei; inconscientemente gábame, queréndome lixar.*

*Eu propóno que nos chamemos orgullosamente, gabachamente, fachendosamente os irmanciños, en dina resposta aos que nol-o chaman.*

*Chegou pra nós un tempo de craridade, d'affirmamento, de nidia difrenzazón, en que temos qu'insistir todolos días, e cada día con mais ergueita e mais firme afirmanza no que somos e no que queremos; en que temos que berrar e ainda que cuspir a verdade á face de todos, de xeito que sexa meiciña pr'os moles, pr'os tépedos e pr'os vacilantes, e tósigo pr'os contrarios.*

*Eu penso que o chamármonos irmanciños sería unha mais forte afirmazón de galeguismo integral e incondizonal que cada un de nós ten a obliga cotidián de facer; sería a mais forte, orgullosa, soberbia afirmazón de que temos a sorte e a honra de non pensar com'os que nol-o chaman.*

Vicente Risco.



OPTICA - FOTOGRAFIA

LO MEJOR

MAS MODERNO

Y MAS PERFECTO

Cristales Punktal  
**ZEISS**

HEIDER &amp; FORNIO

1427 Ituzaingo 1427

Montevideo

